

官板


扶桑略記 卷二十二

第六冊


和書門			
二	三	〇	九
六	二	函	號
一	五	冊	架

內閣文庫			
三	三	〇	九
六	二	函	號
一	五	冊	架

內閣文庫	
番號	和 23096
冊數	15 ( 6 )
函號	269 5







扶桑略記第廿二

淺草文庫

小松天皇

五十九代  
壬子男十九人

諱時康

治四年

一人即位

深草天皇第三子母贈太政大臣正一位藤原朝臣

總繼女贈皇太后藤原澤子也天長八年辛亥誕生

承和十三年丙寅正月七日叙四品年十同十五年

戊辰正月十三日為常陸太守嘉祥三年庚午五月

十六日任中務卿年廿仁壽元年辛未十一月廿五日

叙三品年廿貞觀六年甲申正月十六日兼上野大

守年卅同八年丙戌正月十三日兼太宰帥年卅同

十八年丙申十二月廿六日任式部卿年四元慶四

扶桑略記第廿二



年正月十一日兼常陸大守同六年壬寅正月七日  
 叙一品年五十二同八年甲辰二月四日乙未王卿群臣  
 諸司百寮捧天子璽鏡劔等授一品式部卿親王東  
 二條宮金吾亞將兵仗諸衛圍宮警固今宵宿侍天  
 皇再三固辭讓於兵部卿親王本康然大相國等頻  
 請不許仍五日丙申文武百官警蹕前駢奉迎新帝  
 宣命使中納言在原朝臣行平阿保親王男也即御鸞輿入  
 移東宮遣從五位上守左近衛少將藤原朝臣高藤  
 等運內裡所留鈴印匙鑰等置東宮南門內西掖六  
 日丁酉僧都已下率威從僧等奉參東宮慶賀天皇

也以內藏寮綿絹賜之十三日甲辰囑僧五十口於  
 東宮前殿轉讀大般若經限以三日廿三日甲寅天  
 皇即位於大極殿年五十四廿四日乙卯延廿僧於仁  
 壽殿修法限五日訖廿八日己未遷自東宮幸仁  
 壽殿天皇少而聰明好讀經史容止閑雅謙恭和潤慈  
 仁寬曠親愛九族性多風流去嘉祥二年唐使入朝  
 時深草天皇召集皇子令觀唐容奏曰此公子既有  
 至貴之相必登天位又有善相者藤原仲直其弟宗  
 直奉侍藩宮仲直誠言君王骨法當為天子汝勉事  
 公焉三月十五日丙子夜大雷雨震常住寺塔火自



第五層起延燒講堂鐘樓經藏步廊中門一時蕩盡  
十九日庚辰奉充陽成太上天皇封二千戶 廿六日丁  
亥僧正法印大和尚位宗叡卒俗姓池工氏左京人  
也幼而遊學受習音律年甫十四出家入道從內供  
奉十禪師載鎮承受經論登棲叡山无復還情天長  
八年受具足戒就廣岡寺義演法師稟學法相宗義  
數年復歸叡山迴心向大受菩薩戒諳究天台宗大  
義隨圓珎和尚於園城寺受兩部大法于時叡山主  
神假口於人告曰汝之苦行吾將擁護遠行則雙鳥  
相隨暗夜則行火相照以此可為徵驗厥後宗叡到

越前國白山雙鳥隨在於先後夜中有光自然照路  
見者竒之久而移往東寺就少僧都實惠受學金剛  
界大法請少僧都真紹受阿闍梨位灌頂自內藏寮  
給料物焉清和太上天皇為儲貳之初選入侍東宮  
貞觀四年高岳親王入於西唐宗叡請從渡海初遇  
汴州阿闍梨玄慶受灌頂習金剛界法登攀五臺山  
巡礼聖跡即於西臺維摩談石之上見五色雲於東  
臺那羅延窟之側見聖燈及吉祥鳥聞聖鐘尋至天  
台山次於大華嚴寺供養千僧即是本朝御願也至  
青龍寺隨阿闍梨法全重受灌頂學胎藏界法盡其



殊旨阿闍梨以金剛杵并儀軌法門等付屬宗叡用  
充印信更尋至慈恩寺造玄興善寺智惠輪等阿闍  
梨承受秘奧詢求幽蹟迴至洛陽便入聖善寺善无  
畏三藏舊院其門徒以三藏所持金剛杵并經論梵  
筴諸尊儀軌等授之八年到明州望海鎮適遇李延  
孝遙指扶桑將泛一葉宗叡同舟順風解纜三日夜  
間歸著本朝主上大悅遇以殊礼當此法侶皆望和  
尚之傳金剛界法胎藏界法密教和尚於東寺教授之  
學徒有數傾懷而說十一年春為權律師十六年冬轉  
權少僧都奉授天皇金剛界大毗盧遮那三摩耶法

觀自在菩薩秘密真言法又奉為國家造胎藏金剛  
兩部大曼陀羅安置宮中修法院持念堂十九年天  
皇遷御清和院禪位於皇太子陽成歸念佛道深悟苦空  
宗叡奉勸太上天皇令聽學華嚴涅槃等大乘經元  
慶三年夏四月太上天皇遷御圓覺寺剃落入道設  
灌頂法壇受佛性三摩耶秘密乘戒以衣服臥具珍  
寶車乘嚙施宗叡於是分捨東寺東大延曆等諸寺  
一物不入己焉是歲冬至僧正位太上天皇巡覽山  
城大和攝津等國名山佛寺宗叡奉從引導到丹波  
國水尾山以為終焉之地和尚性沈重不好言談當



於齋食口不言濃淡未嘗寢脫衣裳念珠不離手七  
十六終禪林寺己上出四月十日庚子天寒殞霜  
夜有流星色青白大如柚子十四日大風雨地震  
有聲十六日霜降氣寒雷電地震十七日夜寒  
霜降草木葉凋五月廿五日勅曰可修治諸寺令無  
損壞之狀廿九日夜有流星大如李實色白有光  
六月庚寅朔日蝕廿三日壬子勅以近江國米百  
五十六斛丹波國米三百七十九斛負觀錢十二貫  
文充嘉祥寺造五重塔料或記云同年七月廿二  
日元慶寺沙門寂圓參叡山奉拜座主圓珍和尚問

曰設使有上臈僧徒下臈人稟學佛教既了下臈之  
人即在師位上臈之僧自為弟子師弟之理須居下  
座因之羯摩等座不求本臈而居下座者若於佛教  
有所犯乎即和尚答云唐國皇帝尊重小臈僧以為  
朝家師範之日授教法於百臈已訖自今以後天下  
諸僧悉居下座又圓忠和尚是寂上臈從志遠和尚  
阻卅夏之下臈而上臈圓忠和尚從志遠和尚稟道  
之後失臈永居下座大唐憲法其既如此若猶守臈  
居上者豈異禽獸乎己上八月四日壬辰自戌至子  
小星四方流散行隕墜如雨五日癸巳自日沒至



人定流星或出入紫微宮犯衆星宮或出入北斗貫  
索陵內外宿其數不可勝計 九月朔日戊午遠江  
國濱名橋長五十六丈廣二丈三尺高一丈六尺貞  
觀四年修造歷三十餘年既以破壞勅給彼國正稅  
稻一万二千六百三十束改作焉 三日寅刻大流  
星長一許丈自東南行西北遂殞於地其響如雷  
十日權僧正法印大和尚位遍昭奏言雲林院者故  
无品常康親王之舊居也親王出家為沙門真觀十  
二年二月十六日以此院付屬遍昭曰深草天皇賜此  
居之天皇登霞常康落髮昊天因極德猶難報恩欲

永為精舍令學天台之教伏思元慶寺永置年分度  
僧三人傳天台之法行試度之道請以為元慶寺別  
院成親王之心願矣但院中雜事擇遍昭門徒中堪  
幹事者令其勾當勅依請聽之 十七日勅元慶寺  
置傳法阿闍梨傳燈大法師位惟首傳燈大法師位安  
然令教授真言業年分度者先是權僧正法印遍昭  
奏言依大政官元慶元年十二月九日下牒毗盧遮  
那金剛頂摩訶止觀等業各一人每年十二月十六  
日試度之人以顯教宗者不簡授業之師至真言教  
若未灌頂者不能讀一句除非阿闍梨不聽輒傳授



所謂毗盧遮那金剛頂等經尤是真言之秘藏密教之根本也不置傳教阿闍梨誰傳此教僧惟首安然等智行兼資精進無倦堅持利物之誓漸積傳燈之功年來就遍昭之邊稟學胎藏金剛兩部大法既畢今夏薦是高器堪師範望請准延曆寺例授傳法阿闍梨位敷演密教試練學徒從之 廿日恒貞親王薨淳和太上天皇第二子也母太皇太后正子嵯峨太上天皇之女也親王性寬雅美風姿天長十年春皇帝御淳和院讓位於仁明天皇立親王為皇太子承和五年皇太子年十二冬十一月於紫宸殿加元

服天顏咫尺禮容嚴備降殿拜舞舉止閑麗九年七月十五日嵯峨太上天皇崩十七日彈正尹阿保親王奉書嵯峨太后封緘曰春宮坊帶刀舍人伴健峰有謀叛事同廿三日廢皇太子於淳和院嘉祥二年正月授三品頃之出家為沙門名恒寂崇信佛道精進持戒經歷歲時絕而無虧沐浴靜坐无病而薨時年六十矣 己卯大嘗會御禊行幸鴨河十一月廿二日己卯大嘗會悠紀伊勢負弁郡主基備前和氣郡 十二月朔丁亥日蝕 元慶九年乙巳正月朔日蝕先是山城伊勢尾張遠

仁和元



江上總美濃信濃等國言木連理甲斐獲嘉禾是日  
奏於庭焉禮了 月十八日夜東京一條衛士町  
失火三百餘家 廿一日丁未改元々慶九年為仁  
和元年 閏三月六日辛卯勅每年正月大極殿齋  
誦是先聖之所始修也德厚利民設齋會之法座慮  
深護國誦寂勝之經王才名拔萃智德出群請為誦  
師其來尚矣是則釋門之棟梁法流之舟楫者也宜  
給度者一人以代扶老之杖立為恒例 四月廿日  
甲戌天皇於延曆寺東西院崇福梵釋元興等五寺  
各請十僧始自今日五今日間轉讀大般若賀太政

基經大臣滿五十竿兼祝壽命也 廿六日庚辰仁王會  
合百始自紫震殿諸殿諸司十二門羅城門東西寺  
合三十二所及五畿七道諸國同日同時朝夕二時  
修之 五月廿二日丙午酉時日色變黑光散如射  
八月十三日乙丑勅山城國葛野郡田邑鄉神應寺  
預定額紀內親王創建此寺付延曆寺僧封恩也  
九月四日乙酉勅以近江國高島郡荒廢田百五十  
三町三段施元慶寺依彼寺座主權僧正遍昭奏也  
五日丙戌勅加興福寺維摩會藥師寺寂勝會立義  
僧各一人先是兩寺申牒偁件二會者是佛教之肝



心法藏之脂粉也天下名德為之披帙海內學徒為其挑燈今所請聽眾維摩三十人其十人為興福寺分窟勝廿人其五人為藥師寺分其餘諸寺只兩三人尋彼根元以其本寺故也云々望請屬此嘉運廣彼大會寺別各加立義一人以示本寺異於諸寺許之十月九日庚申太宰府言上七月十三日夜陰雲晦合聞如雨聲遲明見雨粉土屑沙交下境內水陸田苗稼草木枝葉皆悉焦枯俄然降雨洗去塵沙枯苗更生薩摩國言同月十二日夜晦暝眾星不見砂石如雨撿之故實顏娃郡開聞明神發怒之時有

如此度國宰潔齋奉幣雨砂乃止八月十一日震聲如雷燒炎甚熾雨砂滿地晝而猶夜十二日自辰至子雷電砂降尚未止砂石積或處一尺已下或處五六寸已上田野埋瘞人民騷動記廿二日癸酉詔權僧正法印大和尚位遍昭為僧正少僧都法眼和尚位平恩為大僧都權少僧都法眼和尚位真然律師法橋上人位源仁并為少僧都權律師法橋上人位隆海房忠并為律師十一月辛巳朔日蝕廿六日丙午夜大流星躰如大塙色赤白有光十二月十八日戊辰延僧正法印大和尚位遍昭於仁壽



殿申曲宴遍昭今年滿七十天皇慶賀徹夜談賞太  
政大臣融多左右大臣等預席矣廿日庚午巳時天東  
南有聲如高樓壞落夜分地震有聲如雷  
仁和二年丙午正月二日壬午太政大臣第一男時  
平於仁壽殿加元服六年十帝自手取冠加其首令藏  
人主殿助從五位下藤原朝臣末直理鬢即日授時  
平正五位下其告身天皇神筆書黃紙以賜之勅參  
議左大弁從四位上兼行勘解由長官文章博士攝  
朝臣廣相作告身文其所須冠巾皆是服御之物也  
公卿大夫會太政大臣職院直廬稱賀宴飲雅樂寮

舉音樂賜五位己上祿各有差 十六日從五位下  
守右衛門權佐源朝臣希為右少弁右中弁安部朝  
臣清行為陸奧守從五位上行式部少輔兼文章博  
士加賀權守管原朝臣道一為讚岐守 廿日庚子  
太政大臣獻物飯六十櫃酒六十缶魚六十缶菜六  
十缶納衣物韓櫃廿合置陳於仁壽殿東庭供御器  
物金銀華美絲竹備奏清和太上天皇第八皇子貞  
數親王及四位己上子童卯者十許人在前教習是  
日出舞群臣歡洽通宵樂飲賀正五位下藤原時平  
加冠拜爵也宴罷之後賜時平御衣一襲也 廿一



日辛丑勅貞數親王帶劍親王舞散手其舞裝束帶  
 劍故特賜之時年十二二月十四日甲子辰時日有冠  
 纓其色黃白三月十三日壬辰暴風雷雨東寺新  
 造塔燒時人謂雷火也十四日癸巳賜僧正遍昭  
 食邑百戶聽駕輦出入宮門國史僧正歎德文畧之五月己  
 卯朔日有蝕廿六日甲辰降雨天東南有聲如雷  
 是日石清水八幡宮自鳴如擊鼓音南樓鳴如風波  
 相激成聲數刻而不停之七月五日壬午延曆寺  
 西塔院主傳燈大法師位延寂奏云故先師贈法印  
 大和尚位最澄創建此寺鎮護國家造藥師佛像安

置東塔院造釈迦佛像安置西塔院並充住持之主  
 師為傳法之本每日長講法華仁王金光明等經奉  
 誓國主廻向率土次師座主傳燈大法師位圓澄受  
 先師之付屬掌西塔之佛事延寂謬以非器忝繼未  
 塵幸從聖主龍潛之時損辱恩慈賜令止侍修構佛  
 殿得禦風雨自非睿願何能如此伏望置僧五人晝  
 則轉讀御願大般若經夜則念誦釈迦佛名真言五  
 僧衣供准定心院被官充補以為永例至是許也  
 廿二日己亥律師法橋上人位隆海卒俗姓清海真  
 人氏左京人也生於攝津國家在河上漁捕為業隆

御製通志卷七十二



海年甫數歲從漁父出遊水上當國講師藥圓見而異之共載而歸久藥圓付屬律師願曉令受三論宗義云々律師中繼感其神悟授以法相宗義承和二年受具足戒云々貞觀十一年為大和國講師十六年為維摩會講師云々元慶六年為權律師云々隆海患風疾心神疲茶告門弟子云就命時當修往生之業洗手嗽口面向西方觀念弥陀佛每修十念誦龍樹菩薩及羅什三藏弥陀讚至于命終其音不絕又每日沐浴如此三日更披閱無量壽經誦其要文命弟子掃地展席因坐其上至於夜分安坐氣絕象

子等令北首臥明朝見右手結弥陀印積薪焚身火滅形碎唯印不爛七十隆海所造書二諦義一卷方言義一卷四諦議二卷二智義二卷二空比量義二卷因明九句義二卷記上廿九日丙午亥時紫震殿前有長人往還徘徊內豎傳照者見之惶怖失神右近陣前燃炬者亦得見其後左近陣邊有如絞者之聲世謂之鬼絞也八月四日庚戌安房国言去五月廿四日夕有黑雲自南海群起其中現電光雷鳴地震通夜不止廿六日曉電風已時天色清朗砂石粉土遍滿地上山野田園無所不降或所厚二三



寸或處僅蔽地稼苗草木皆悉凋枯馬牛食粘粉草  
 死斃甚多 十月丙午朔日蝕 四日己酉天皇聖  
 躰不豫分馳使者於近都諸寺修功德奉祈之 五  
 日庚戌帝病未損親王公卿皆侍亦於諸寺轉經  
 六日辛亥詔免輕罪繫囚廿二人以梵尺寺十禪師  
 朗善加持 九日甲寅令陰陽寮於承明門前修祭  
 祀攘邪氣也 十一日丙辰囓圓珎和尚於紫震殿  
 修護摩法限以五日御惱平愈了帝深以感服勅  
 云公有何希乎和尚云菩提之外无所求之 已上圓  
 時年七  
 十二月十四日戊午行幸芥川野寅二刻戀鳥駕

出建礼門到門前駐蹕勅賜皇子源朝臣諱 朱雀太  
 上天皇  
 帶劍是日勅參議已上著摺布衫行騰別勅皇子源  
 朝臣諱散位正五位下藤原朝臣時平二人令著摺  
 衫行騰焉辰一刻至野口放鷹鷄拂打野禽山城國  
 司獻物并設酒醴飲獵徒日暮乘輿幸左衛門佐從  
 五位上藤原朝臣高經別墅奉進夕膳高經獻物賜  
 從行親王公卿侍從及山城國司等祿各有差夜鸞  
 輿還宮是日自朝至夕風雪慘烈矣 廿八日壬申  
 藥師寺僧隆光興福寺僧豐忠并為權律師  
 仁和三年丁未三月十四日戊子勅加試延曆寺年



分度僧二人其一人大毗盧遮那經業為大比叡神  
分其一人一字佛頂金輪王經業為小比叡神分先  
是彼寺座主前入唐尋教教法眼和尚位圓珍上表  
云國之為國本依設禮人之為人亦由行禮故書曰  
人有禮則安无禮則危經曰人能行禮得生天上是  
知內經外書以禮存立故祖師法印大和尚位寂澄  
延曆末年奉使入唐求法彼朝求法目錄云寂澄闍  
梨性稟生知之才来自禮儀之國南登天台之嶺窮  
智者之法門西泛鏡湖之水探灌頂之神秘可謂法  
門龍象青蓮出池者然則西朝重我國家稱為禮儀

之鄉當寺法主大比叡小比叡兩明神陰陽不測造  
化無為弘誓亞佛護國為心所傳真言灌頂之道所  
建大乘戒壇之檢祖師創開專賴主神若不然者何  
立此業永鎮國家夫毗盧遮那經者八萬法藏之肝  
心陀羅尼教之梁棟也隨經教義七百餘紙文理甚  
深局智難會舊置年分只是一人學徒之少大道猶  
哽又頂輪王經者真言之樞機法城之門戶也所以  
祖師積年耽習甚得咒驗仍於延曆天子聖躬不豫  
之時依經修法奉資寶祚山家之闕泰莫不賴此功  
是以東西弟子至今勤修圓珍伏見佛法中興莫過



承和之聖代山神膺慶偏仰當時之鴻慈伏望蒙加  
 度者二人為兩神分解地主之結恨增護國之冥威  
 者中納言從三位藤原朝臣山陰宣奉勅宜依來表  
 已上 國史 六月廿七日己巳自昨雷雨至今未止諸衛  
 警陣雷電雨雹水潦奔溢人<sub>不</sub>通行雹積地上移時  
 不消 廿九日辛未晦太政大臣侍殿上納言參議  
 侍仗下忽有雷大鳴諸衛陣於殿前是日右近衛將  
 監正六位上在原朝臣遠瞻在致仕中納言在原朝  
 臣行平鴨河邊第震死 遠瞻是行平子也 七月六日丁丑  
 虹降東宮其尾竟天虹入內藏寮是日綾綺仁壽兩

殿之間獲白龜一放神泉苑是夜地震 廿七日戊  
 戌元慶寺座主僧正遍昭奏言延曆寺僧寂圓年六  
 十三久於遍昭邊受學兩部大法已訖請授真言傳  
 法阿闍梨位依僧正遍昭奏也勅聽之 卅日辛丑  
 申時地大震數刻不止天皇出仁壽殿御紫震殿南  
 庭命大藏省立七丈幄二為御在所諸司舍屋及東  
 西京廬舍徃々顛覆壓殺者衆或有失神頓死者同  
 日亥時又震三度五畿七道諸國同日大振官舍多  
 損海潮漲陸溺死者不可勝計其中攝津國尤甚信  
 乃国大山頽崩巨河溢流六郡城廬拂地漂流牛馬



男女流死成丘 八月壬寅朔晝夜地震二度二日  
癸卯三度四日乙巳五度是日達智門上有氣如煙  
非煙如虹非虹飛上屬天或人見之皆曰是羽蟻也  
時人云古今未有如此之異 五日丙午又地震五  
度 八日己酉羽蟻出天藏正藏院群飛竟天屬于船  
岡其氣如虹 九日庚戌地震 十二日癸丑鷺二  
集朝堂院白虎樓豐樂院栖霞樓上陰陽寮占曰當  
慎失火之事 十三日甲寅地震 十四日乙卯地  
震 十五日丙辰未時有鷺集豐樂殿東鷄尾上  
十六日丁巳地震 十七日戊午今夜亥時或人告

行人云武德殿東緣松原西有美婦人三人向東步  
行有男在松樹下容色端麗出來與一婦人携手相  
語婦人精感共依樹下數刻之間音語不聞驚怪見  
之其婦人手足折落在地无其身首右兵衛右衛門  
陣宿侍者聞此語往見無有其屍所在之人忽然消  
失時人以為鬼物變形行此屠殺又明日可修轉經  
事仍諸寺衆僧被請來宿朝堂院東西廊夜中不覺  
聞騷動之聲僧侶競出房外須臾事靜各問其由不  
知何日出房彼此相怪云是自然而已是日<sup>月</sup>宮中及  
京師有如此不根之妖語在人口三十六種不能委



載 廿日辛酉自卯時及酉大風雨發屋被壓死者  
 衆矣內膳司比皮<sup>ヒ</sup>菅屋顛仆采女一人宿其中邂逅  
 免害時人奇之鴨河葛川洪波人馬不通 廿三日  
 甲子地震 廿四日乙丑地震 廿六日丁卯天皇  
 聖躰乖豫是日立第七皇子諱為皇太子是日巳二  
 刻天皇崩於仁壽殿春秋五十八九月二日壬申葬山城  
 國葛野郡後田邑陵一云小松山陵  
 己上三代實錄五十卷抄記己了  
 宇多天皇 第六十代 諱定省 治十年 一人即位  
 王子男十三人 女九人  
 仁和三年丁未八月廿六日丁卯踐祚于時年二十

一小松天皇第七子母皇太后源班子贈太政大臣  
 一品仲野親王女也桓武天皇第十二子也廿八日  
 己巳太政大臣奉勅令左大弁橘廣相左中弁藤有  
 穗左近衛權中將時平左衛門佐藤高經等侍殿上  
 十月五日巳二刻令百口法師六十口於第一殿轉  
 讀大般若限以三日子一刻地震二刻又震動十二  
 日以左衛門佐藤高經為藏人頭廿二日壬戌嘔十  
 五人之名僧限一七日修法子二刻移御於第三殿  
 廿九日御修法結願畢即召龍象賜別布施阿闍梨  
 僧都白褂衣一重自餘僧衾一條十一月二日伊豆



國獻新生島圖一張見其畫中神明放火以潮所燒則如銀岳其頂有綠雲之氣細夏在圖中不更記之十七日丙戌即位辰一刻駕御鳳輦出東宮南行幸八省御小安殿二刻關白太政大臣基經參上四刻出大極殿即于帝位又天下僧尼八十以上施物滿位已上授一階又天下鰥寡孤獨者等皆給物即送勅書於太政大臣云今日之夏平安令果歡喜無涯先有遺託之命况余已為孤子而思隨教之命耳如此之言若有辭退更亦不住世間小子不攝世間之政拋小君之号逃隱山林是所念也己上御記 廿六日乙未

關白太政大臣藤原基經上表云々勅答云社稷之臣非朕之臣宜以阿衡之任為汝之任左大弁橘時上廣相作人難之

仁和四年戊申正月延曆寺座主法眼和尚位圓珎年七十有五頻被囑請興福寺維摩會講師狀和尚獻辭退狀云々于時會大檀越關白太政大臣藤原朝臣基經報狀云具閱貴狀的水事趣維摩會者是佛法之所繫古今之所重會在本朝名聞唐國是故代々相承囑請智德高才為其法匠從來尚矣而叔世澆薄競馳雖勒加搜揚而猶非如意深恐法燈滅光之



照昏之明義海涸潤少鼓波之勢豈帝為一氏求榮耀  
 哉廣為四海蒙福祐耳座卧勞思願得其人和尚智  
 鏡早瑩惠珠高照人天所欲不議固辞再三覆念手  
 奉請署而和上託弁權疾似夏謙讓素情相違鄙懷  
 無安但和上智德共高年位復尊更忝講匠還似損  
 威傳聞世尊利物不嫌貴賤苟為興法何論前後哉  
 况復淨名現病文珠致問苟有歸依必蒙冥助此會  
 之興大意在此和尚若有意興法會必得影像之來  
 問除却權現之小惱望也早挑法炬速叶請疏縱有  
 百命曾無一從者然而雖有擲重報狀和上重以辞

退己上傳文

二月廿二日關白太政大臣藤基經勅准

三宮賜年官年爵如忠仁公舊夏年五十三五月九日

太政大臣報奏云去年閏十一月廿七日奉勅宜以  
 阿衡之任為汝之任者但未知阿衡之任如關白何  
 仍持疑久矣伏聞左大臣令明經博士等勘申云阿  
 衡之任可无典職者以其可无典職知阿衡為貴以  
 臣比擬非所克堪抑至于無分職暗合臣願之宣命  
 曰天皇我詔旨良万宣御命乎衆聞食止宣布太政  
 大臣藤原朝臣先々乃御世利与國家乎濟助朝政乎  
 惣攝奉仕賜利倍又援立先帝保護朕躬波功大德高



已古之周霍毛與利超多朕即位之初仁所念行之累  
 代乃聖明毛猶仰其輔助利况乎末小子天仁之何不  
 倚賴委付武所念行天去年十一月廿一日下詔書  
 云萬機巨細皆關白於太政大臣然後奏下而上表  
 天固執閑退之志爰即令左大辨橘朝臣廣相作勅  
 答而下之其結句宜以阿衡之任為卿之任而尚持  
 疑天不敢視度天下之務皆盡擁滯多於是使明經  
 紀傳之道人々等勘申云阿衡者是殷世三公官名  
 三公者坐而論道无所典職登申世然則以三公之  
 貴天更煩碎之務乎聞幾久編不在奈利然而朕之

本意八萬政乎關白天欲賴其輔導之天前詔八下  
 世而奉旨作勅答之人廣相加阿衡波已乖朕本意  
 多流奈利宇倍母弥固久辞退坐奈利介驚幾御坐之更  
 重天述御意天宣太政大臣自今以後眾務乎輔行  
 比百官乎緣賜倍應奏之事可下之事先必諮稟与  
 朕將岳拱而仰成止宣御命乎眾聞食止宣九月  
 十五日午二刻勅令畫師巨勢金岡畫于御所南庇  
 東西障子令直方興基惟範時平朝臣等擇詩弘仁  
 後鴻儒之堪詩者即令金岡圖其狀矣相應和尚  
 傳云仁和四年六條皇后有御惱事和尚行年六十



依召參於御加持三日夜不動居處永忘眠食四日曉皇后舉音叫喚屈身宛轉寢殿殆欲顛仆此間靈狐現形出自丰帳乾角東西南北徃反走迷爰太政大臣并諸人恐懼戰栗五情失之於是和尚誦解脫咒震動已止迷狐僅出皇后御惱已以平復勅賜度者被物等已上傳文同年於延曆寺建禪唐院十月十七日右大臣源多薨先一兩日容色如土吐血氣絕年五十九同月廿七日御禊鴨河十一月廿三日大嘗會悠紀近江主基播磨叡山南谷沙門藥恒所撰本朝法華驗記云仁和四年常陸國書

生飛鳥貞成其它巨富財貨豐贍素篤信崇敬佛法一般請列百人能書於金光明寺寫百部法華經暨于十度書千部了每日衣冠礼經三遍設四日之法會演八座之講經於國分寺開講供養東大寺僧延喜是當時龍象决擇秀倫說法無比請件沙門為其講匠施以千端之布供以百味之食其後檀那即世星霜多移貞成之孫淺井春澤勤公有勞賜國掾着狂之間驛馬之中有一斑馱背有銘文飛鳥貞成春澤驚異以稻千束買得此馬厚與水草不敢役仕貞成入夢云我為償前生報今受驛馬身也春澤夢中



問云書寫千部法華經勤修四日大法會何受此報乎貞成答云善惡之報各以有別雖受馬身隔生以後依經力可得生天苦役之期已以不幾而贖買我役安身經迴矣春澤忽為貞成寫法華經一部厥後彼馬不經旬日於厩中斃上已仁寬平元和五年己酉正月天皇話談曰往日素懷御記云朕身為兒童不食生鮮者歸依三寶八九歲之間登天台山修行為夏爾後每年往詣寺々修行至十七歲言中宮可為沙門狀答曰此極善也大原寺有練行法師靡侈者為彼法師裁縫細紵裝束并袈裟先

可以與耳之後日又答云善哉善哉好三寶事雖然暫見盡世間須修此事經三四月復如是事未有妻子可也若住于世間斷煩惱是難耳答曰諾然敢不肯許後四個月大臣持鳳輦奉迎先帝愚心偷以悚戰未及復奏歷四十年傳此寶位而代□人心有兩端可治難周文賢哲主也 同月十八日太政大臣奏云昔臣父有名劍世傳斯壺切且有名田邑光孝天皇喚伴劍責陰陽師即為厭法埋土于時帝崩陰陽師逃亡是見鬼者也而不知劍所在彼陰陽師居神泉苑爰推量其處掘覓得此劍按所著劍令覽者是也



光彩電耀目驚霜又還納室件事仰別當給子云々  
四月廿七日戊子改為寬平元年東國強盜首物部  
氏永等發起追捕之間已以及昌泰五月廿八日  
戊午石清水八幡宮殿自然震動令神祇官陰陽寮  
占筮言可慎大病朕雖誠愚而非法不行非道不言  
縱令犯小罪而不必及大過而有咎害奉憑國內神  
祇于今無怠况乎元來歸依三寶莫不旦夕敬拜而  
災異頻發可有死徵唯願天地神祇并三寶冥助令  
保身命御記 六七月間霖雨洪水東西京中餓死  
者多 七月六日丙申下山僧等多以餓死 十四

日甲辰主上奉為先帝備孟蘭盆八十具或送御願  
寺或送西塔院或送華山寺等 十八日送奉延曆  
寺西塔院神護寺東西寺園城寺八幡宮長谷寺等  
續命繩一條燈油一瓶殊以絹一疋為誦經布施  
廿五日勅園城寺為定額 八月己巳十日日大臣參內  
談說之次云陽成院之人厄滿世間動致陵轢天下  
愁苦諸人嗷々若有濫行之徒只号彼院人惡君之  
極今而見之云々又相撲事從栢原桓武天皇御代至今  
代々天皇皆盡好之貞觀以後寂然無音今聖主不  
捨之亦不樂乎朕本自筋力微弱而無可敵者今乱



國之主而莫不日致愚慮每念萬機寢膳不安爾來  
 玉莖不發只如老人依精神疲極當有此事也左丞  
 相答云有露蜂者命宗繼調進其後依彼詞服之其  
 驗真可言也 九月十五日甲辰可有御法事議定  
 太政大臣基經被奏云真言經者華山惟首寂圓安然此  
 皆真言阿闍梨也又比叡元譽好於真言并有口弁  
 玄虛心念丁寧也講師惟首讀師玄虛咒願律師答  
 喞寂圓散華勝延三礼元譽堂達安然安然法師其  
 才高又受大法者也而堂達職掌若不悅耶然七人  
 之中生年廿又夏薦下也仍所定申耳又大般若御

讀經清和觀之代一年四度春夏仁和之時惣無定例

今秋永可修之仰尊重感悅若有灌頂之事除律師  
 他人下薦者為不可也基經田村之代受之圓珍和

尚已上大臣詞太政 同月萬木皆落 十月朔己未々四

剗御南殿就帳内倚子公卿等列座如例云々大臣  
 云一日安然法師云近来在雲林院人云蟲蠢々爰  
 出看之其虫所竟東至園池司西至絹笠岡北至紫  
 野即羽蟻也不知所由朕答曰極不善之事也先帝  
 欲崩之時有如此之怪今此事為朕所示也即位之  
 間自乾角山中黃龍騰天太宰少貳清原令望為堰



大井灘使見之從五位下橘有棟參梅宮之次見之  
 丹波博士丹波有冬在彼國見之件三人慥見之往  
 々見多也 廿五日左大臣奏曰一日陽成君乘御  
 馬直入六條下人家陪從諸人捧持杖鞭女人兒童  
 驚走或分散或隱竄云惡主無益於國 廿九日每  
 日有聞陽成君有駿河介女子令院人追捕之極陵  
 轢甚憂也以琴絃面縛漬于水底云々 十二月二  
 日甘南扶持還來云去廿九日申時始到嶋下郡審  
 問事由鄉人語云太上天皇御此鄉備後守藤原氏  
 助之宅御在所也卒若于從卒乱入此宅家人士女

或遁亡山澤或迷道路氏助之宅無有一人此為  
 狩取安倍山猪鹿也而夜以松火炬時臨暮之間還  
 御此宅但卒童子十二人厩舍人二人悉著武装帶  
 弓矢相分前後騎馬行列云々今日以件山為院禁  
 野宇治繼雄為專當榜示路頭行路之人往還艱難  
 動加陵轢愁吟之甚胸憶何言口云々 六日癸亥  
 作物所預宮興害大言左近陣有大虹見之須臾消  
 亡人亦見虹飲内兵庫安福殿即是也同時見之計  
 一虹光彩所映見兩所也 廿四日辛巳八幡託宣云  
 欲得菩薩裝束并道具等於是奉金銅佛器漆坏壇



前香爐管一口咒珠等相添壇供料誦經布施料綿  
 百屯左大臣源朝臣融奏曰臣之別業在宇治鄉陽  
 成帝幸其處悉破柴垣朝出涉獵山野夕還掠陵鄉  
 間如此事非只一二左大臣別業在其鄉又奪取厩  
 馬駟馳原野廿八日乙酉時平朝臣之母送書尚  
 侍曰左大臣奉勅時平位記已造正下而廣相朝臣  
 主上所命稱非正下而已毀其位記云々  
 寬平二年庚戌正月廿日丁未大臣奏云華山僧正  
 昨夜入滅此僧正殊事先帝又殊仕當代云々有賜  
 勅使之例遣少納言若殿上侍臣等弟弟子或有給

通昭

物等之迹圓仁座主時以良峯繼世為勅使狀具承  
 矣廿一日戊申詔遣少納言從五位上令扶於元慶  
 寺弔故僧正遍昭遺室并捨綿三百屯調布百五十  
 端令修諷誦御記二月十三日己巳基經大臣參入言曰  
 可加小童仲平元服即簾前立倚子就之大臣程候  
 爰使散位定國先結髮次朕着冠此取左大臣融朝  
 臣參入太政大臣并仲平相具舞蹈賜仲平白褂一  
 領朕即手造位記曰无位藤原仲平今可正五位下  
 先帝御宇之日兄時平加元服皆率其流也即儲座  
 於雅院為會飲之處雅院者是息所之曹也太政大



臣會語曰白壁光仁天皇時將立皇太子其儀未定大臣真  
 吉備并諸公卿議立他帝之子宣命之書奏了爰藤  
 原百川破其書立栢原桓武親王為皇太子大臣歎曰我  
 年耄觀耻如此栢原天皇緣百川之功親臨加于緒  
 嗣元服即賚劍曰先帝所奉劍今與汝而拜內舍人  
 封之百戶先帝之賞時平恩踰海岳慈固覆燾朕曰  
 先帝言我今長大潛藩底因太政大臣之扶持幸得  
 登此皇極枯木更榮是誰德乎又朕有兩兄雖有先  
 帝之顧託自非大臣之濟導朕寶位何至今日乎私  
 此時宣旨之語雖出御記之文與百川傳粗有相違  
 具如載第十卷况乎吉備大臣寶龜二年右大臣桓

武天皇同四年春立皇太子其時被弃吉備豈執行  
 朝政乎栢原聖主將擬儲貳之時濱成頻謀邊絕如  
 斯事白壁言耳目不駭古今之例也四月八日癸亥親王公卿等參  
 上灌沐以勝延為導師先日仰梵釋寺僧神惠彫造  
 白檀四天王像今日參入奏之即令侍灌佛之座朕  
 童稚之時令參伴寺已及十余度爰神惠辨備食膳  
 勞息旅飢為賽其功為大威儀師以勝延為律師  
 五月十六日參議左大弁前勘解由長官文章博士  
 橘朝臣廣相薨十七日詔贈中納言從三位由侍讀  
 勞也八月十一日甲子賜書於金剛峰寺和尚僧  
 都真然貞觀寺座主久無其人將以誰人補宛但聖



寶法師練修不倦念佛勤事之委曲何不封示哉早  
夕以察之耳 十一月廿六日朗善法師申云大師  
立寺在天台山南跡而大法師付囑朗善供養香華  
及二十年望以件山為定額寺永誓護國家也聞之  
為南无矣 十二月廿六日丁未太政大臣請天台  
座主圓珍令修法也及今朝還向本寺爰朕請引彼  
法師奏曰天台前阿闍梨所寫一切經未校正也於  
是大比叡小比叡明神等現可校之事已及數度又  
圓珍所給十禪師供養料甚多所成之功尤少須轉  
讀此經奉祈聖主復前太政大臣良房於彼山令寫一切

經開元錄所有四千餘卷雖求書之頗尚不足昔日  
圓珍唐來之日揚州人相隨來著此土厥後還土國  
人往送筆圓珍尋量其由有所懷今我國所書經二  
千卷也開元貞元等目錄所來四千餘卷也爰為求  
加其卷數差從僧令向彼天台山即便書件經可送  
之狀囑送彼揚州人所彼人信其言送五十卷歡喜  
贈沙金以答其意頗有如是之類可寫足其卷數圓  
珍自病殊重不便起居下出山脚問求醫家云々朕  
聞歡喜信受爰朕極頑鈍不得万人之心而從昔日  
歸依佛陀婆梨必請念願已上御記傳云寬平二年十二



月廿六日天台座主法眼圓珍任小僧都同年園城寺置二會立義之相應和尚傳云寬平二年天皇有御齒不預之事召參內不經幾日御齒平復授以法橋職位賜以數多度者辭職位只給度位可見傳略

寬平三年辛亥正月十三日關白太政大臣藤原基經薨八十謚曰照宣公三月十九日大納言藤原良世任右大臣年七左大臣冬嗣八男也夏月增命安居山上叡岳南嶺透巖如舌相向西塔古老傳曰智德僧多以夭亡是此巖妓也和尚聞之望巖歎

息三日祈念一朝雷電巖悉破碎其隕片于今在道傍十月廿九日天台座主少僧都圓珍入寂二十八日和尚忽自唱門人云十方聖衆雲集我房汝等早應掃灑房舍排批香華如此口唱叉手左右相揖再三也廿九日臨終之朝乃謂門人云如來以法為身比丘以惠為命汝等宜憶之其日食時齋供如常日沒之後手結定印合掌安座念佛懇至倍於尋常至曉更時起闕匳取三衣手捧頂戴取水漱口右脇臥枕三衣入滅終無病痛其夜滿山大小聞天樂滿虛空後二日將火斂僧徒跪請替三衣枕和尚乃舉



頭令取三衣時和尚春秋七十八夏鴈六十九大師  
 自從入山之時至于臨終之日博涉經典憶持義理  
 或昧旦隱几俄忘齋食或終夜對燈遂無假寐年及  
 八十耳目聰明精神明悟齒牙無蠹氣力不衰食啖  
 之間曾不別麤淡與甘美也論者皆以為得六根清  
 淨之驗也披覽一切經大小乘經論章疏三遍講演  
 大乘經竝圓宗章疏不可勝計已上文  
 寬平四年壬子五月廿七日大法師惟首任天台座主  
 寬平五年癸丑二月廿九日座主惟首卒三月廿  
 五日猷憲大法師為天台座主智證大師弟子四

月十四日壬午以敦仁親王立皇太子九歲一云四月二日立之  
 寬平六年甲寅五月唐客舍詔入朝八月廿一日  
 甲戌遣唐大使參議左大辨兼勘解由長官菅原道  
 一五十遣唐副使紀長谷雄四十廿三日座主猷  
 憲卒九月五日對馬島司言新羅賊徒船四十五  
 艘到着之由太宰府同九日進上飛驒使同十七日  
 記曰同日卯時守文室善友召集郡司士卒等仰云  
 汝等若箭立背者以軍法將科罪立額者可被賞之  
 由言上者仰訖即率列郡司士卒以前守田村高良  
 令反間即島分寺上座僧面均上縣郡副大領下令



主為押領使百人軍各結廿番遣絕賊移要害道豐  
 圓春竹卒弱軍四十人度賊前凶賊見之各銳兵而  
 來向守善友前善友立楯令調駕亦令亂聲時凶賊  
 隨亦亂聲即射戰其箭如雨見賊等被射并逃歸將  
 軍追射賊人迷惑或入海中或登山上合計射殺三  
 百二人就中大將軍三人副將軍十一人所取雜物  
 大將軍縫物甲冑貫革袴銀作太刀纏弓革胡錄宛  
 夾保呂各一具己上附脚力多米常繼進上又奪取  
 船十艘太刀五十柄梓千基弓百十張胡錄百十房  
 楯三百十二枚僅生獲賊一人其名賢春即申云彼國

年穀不登人民飢苦倉庫悉空王城不安然王仰為  
 取穀絹飛帆參來但所在大小船百艘乘人二千五百  
 人被射殺賊其數甚多但遺賊中有寔敏將軍三人  
 就中有大唐一人己上同九月十二日康濟大法  
 師任天台座主智證大十九日官符云應出雲隱  
 岐等國依舊置烽燧事右得彼國解倂檢令條諸國  
 置烽燧若有急速則達京師遠近相應慎備警固至  
 于延曆年中內外無事永從停廢而今寇賊數來侵  
 掠邊垂加之此國遙離陸地孤居海中風波危厲往  
 還不通縱有非常何得通告望請官裁雖不通京都



而件兩國境依舊置烽燧者右大臣良世宣奉勅依請

寬平七年乙卯正月十九日皇太子加元服三月

三日行幸神泉苑四月廿二日官符云應禁斷王

臣諸家出舉私物事右五月十五日止唐使入朝

八月廿五日左大臣源朝臣融七十薨

寬平八年丙辰閏正月六日有子日宴行幸北野雲

林院其扈從者皇太子醍醐及一品式部卿本康親王上

野太守四品貞純親王四品貞數親王大納言正三

位源朝臣能有中納言從三位藤原時平中納言源

光中納言菅原道真參議從三位藤高藤從三位藤

原有實參議源真參議正四位下源貞恒參議源希

殿上六位以上皆著麴塵衣雲林院之院主由性法

師任權律師遍昭僧正弘延素性兩法師施度者各

二人上己同月十七日太政官符應令左右看督近

衛等每旬巡檢施藥院并東西悲田病者孤子多少

有無安不事右七月十六日右大臣藤原良世

任左大臣七十大納言源能有任右大臣五十文德

天皇一男九月廿二日陽成太上天皇之母儀皇

太后藤原高子與東光寺善祐法師竊交通云々仍

廢后位至于善祐法師配流伊豆誦師善家秘記



云余寬平五年出為備中介時有賀夜郡人賀陽良  
藤者頗有貨殖以錢為備前少目至于寬平八年秩  
罷居住本鄉葺守其妻淫奔入京良藤鰥居於一室  
忽覺心神狂亂獨居執筆諷吟和歌如有挑女通書  
之狀或時有與女兒通慇懃之辭然而不見其形如  
此數十日一朝俄失良藤所在舉家尋求遂無相遇  
良藤兄大領豐仲弟統領豐蔭吉備津彥神宮稱宜  
豐恒及良藤男左兵衛志忠貞等皆豪富之人也皆  
謂良藤狂悖自捨其身悲哽懊惱求其屍所在然猶  
無遇俱發願云若得良藤死骸當造十一面觀世音菩

薩像即伐栢樹與良藤形躰長短相等向之頂禮誓  
願如此十三日良藤自其宅藏下出來顏色憔悴如  
病黃瘵者又其藏无柱唯石上居桁々下去地纔四  
五寸曾不可容身而良藤心情醒寤話云鰥居日久  
心中常念與女通接於是女兒一人以書著菊華云公  
主有愛念主人之情故奉書通慇懃即閱書讀之艷  
詞佳美心情搖蕩如此徃反數度書中有和歌遮唱和  
彼遂以飭車迎之騎馬先導者四人行數十里許至  
一宮門老大夫一人迎門云僕此公主家令也公主  
令僕引丈人於是從家令入門屏間其殿屋帷帳綺



飭甚美須臾薦珍饌未盡備日暮即入燕寢終成懷  
 好意愛纏密雖死無恠晝則同筵夜則併枕比翼連  
 理猶如踈隔遂生一男兒乃聰悟狀貌美麗朝夕抱  
 持未嘗離膝下常念改長男忠貞為庶子以此兒為  
 嫡子此為其母之貴也居三年忽有優婆塞持杖  
 直昇公主殿上侍人男女皆盡逃散公主又隱不見  
 優婆塞以杖突我背令出狹隘之間顧而視之此我  
 家藏柝下也於是家中大小大怪即毀藏而視之狐  
 數十散走入山藏下猶有良藤座臥之處良藤居藏  
 下纔十三个日也而今謂三年又藏柝下纔四五寸

而今良藤知高門縮形出入其中又以藏下令如大  
 殿帷帳皆靈狐之妖惑也又優婆塞者此觀音之變  
 身也大悲之力脫此邪妓而已其後良藤無恙十餘  
 年々六十一死已  
 寬平九年丁巳春善相公第八子法名淨藏齒至七  
 歲志寄三寶遂辭儒林連枝之群竊隨丰藪發露之  
 輦枕於巖泉之流臥於松岫之雲接蹤山林栖心佛  
 法父命兒言欲仕三寶為我現驗若有揭焉之驗則  
 當任汝本意于時正月兒童秘祈護法令折梅華感  
 淚潛然不制修行其後靈崛驗洞莫不運步寄身年




十二歲登壇受戒玄昭律師為師受三部大法諸尊  
 別法等或居稻荷山護法隱形採華汲水或至熊野  
 川自然船出來渡其河流種々奇異不可勝計己上本傳文  
 三月二日天台座主法橋上人位康濟維摩誦師辞  
 表云忝以非器誤膺其選雖歡而承旨信顧而懷悲  
 康濟學謝誓古才非知新幽求之功早倦法藏悟之  
 職何論場加之老耄日增殘齡无幾只思讀讚於山  
 門獻鎮護於邦家仍注不堪狀謹辞 六月八日右  
 大臣源能有薨三十五 七月五日戊寅一云丙子 天皇年  
 三十一禪位於皇太子敦仁親王年十三矣十一月

廿一日丙子賀茂臨時祭始仁和四年如来滅後一  
 千八百三十七年

扶桑略記第廿二



其悉如前所云東廿二...  
 川...  
 日丙午...  
 西...



西...  
 大政...



